

2 JUAN

É Kálara Beañ Apostol Pedro a ngá tsili

Mbóló

¹Ma ntébosú:

Ma tsili é miningá a ne ntópban é kálara ní, ya é bóŋŋ béñ ébá me belé bébélá edziŋ, se fáve ma etámm, ve ya fe ébá bésesé bé yem yaá bébélá, ²ya akála é bébélá aa laŋan ébe bía, aa ye fe tɔɔ mbéámbéá ébe bía.

³Mvɔmm, nyénánn engóngóó, ya é mvwaá bí tɔɔgé ébe bía, á bébélá ya édziŋ été, mfá Tará Nzamá bá Yesukristo é Mwán Éséá.

Olugú

⁴Me ngá bíra sán niané má koan ya é bóŋŋ bwe béé wulu á bébélá été, amvála ané bí ngá ñɔŋ mvéná ébe Tará. ⁵Éde éndagá, á miningá, ma dzaa wa, se ané ma tsili wa mfefeñ mvéná, fáve ná éñí bí mbelé atéé ye átáraga, ná bí dziŋŋán bía ya bía. ⁶Éde, edziŋ édo dí, ná bí wulu amvála ané mémvéná meñ mé né. Mvéná édo ní, amvála ané míní ngá wók atéé ye átáraga, ná míní wulu do été.

Nkéé ya beduk bot

⁷Amú abwiññ beduk bot bé kúlu yaá é sí ní, ébá bé ne kaa ámem ná Yesukristo aá só mot binam; mot te éñe a ne nduk bot ya nsíŋ Kristo. ⁸Tɔɔgán nkée mína bébyen, míní nza dzímle édí bí biñ yaá, ve míní ñɔŋ máán mé tɔɔ ndzálánn.

⁹É mot áse aa lés, éñe kaa álaŋan áyágalé Kristo été, éé belé Nzamá; ve, éñí aa laŋan áyágalé Kristo été, mot te a belé Éséá bá Mwán. ¹⁰Ngé mot enziŋ aa nzu ébe mína, éñe kaa ásó ya áyágalé dí, míní táa ní ñɔŋ á ndá, kaa ki ní vé mbóló; ¹¹amú ná é mot aa vé ní mbóló, aa ñɔŋ ngap ébe mbéa mibɔann myeñ.

Ámanaŋa

¹² Me belé abwiññ mam mfá átsili mína, ve mǎá kómo mína mɔ tsili ya afép ya nsɔŋ, fáve ná, ma yana ná me nzu ébe mína, véa me kóbo ya mína asú ya asú, mfá ye ná mészán mea mé tɔbo ndzálánn.

¹³ É bóŋŋ é mwanñɔŋ a ne ntópbán, bá sómo wa.